

FUTBOLA

Acheampong ganatarra Realera

Erdilaria da, 21 urte ditu eta iaztik Suediako Norrkoping taldean ari da jokatzeko

Joaquim Young
Acheampong ganatarra
ango da Realeko bigarren
tzerritarra. Luis Uranga
eta Jose Luis Astiazaran
ordezkariak Suedian dira
egunotan, hango Ligako
Norrkoping taldean ari den
erdilariarekin akordioa
lortzeko. Atzo bertan
Acheampongek ziurtatu
duenez, detaile txiki batzuk
falta diren arren,
Realarekin sinatuko du.

DONOSTIA

Acheampong 21 urte ditu,
1.81 da luze eta 76 kiloko pisua
du. Ganako selekzioarekin hain-
bat aldiz izan da internacional
Barcelona'92 Joko Olinpikoe-
tan, esate baterako, brontzeko
domina eskuratu zuen), eta iaztik
Suediako Ligan jokatzeko ari da,
Norrkoping taldean. Aurten, ha-
maika neurketa jokatu ditu guz-
tira (Suediako Ligak bederatzia-
rren jardunaldia bete du aste
onetan), eta gol bat egin du. Bi
urterako kontratua sinatu zuen
Acheampong, abenduan
amaitzen dena. Norrkoping tal-
deak, ordea, ez du arazorik jarri-
ko jokalaria lehenago joan dadin.
Bestela abenduan, kontratua
amaituta, UEFAk ezartzen di-
tuen tasak besterik ez lituzke ja-
soko.

Salva Iriarte eta Miguel Etxa-



Donostian gauzak ondo egiteko itxaropena agertu du Acheampong ganatarrak.

DIARIO VASCO

rrik osatutako zerrendan, bigar-
ren tokian ageri zen jokalaria ho-
nen izena, Spartak Moskuko
Onopkoren atzetik. Errusiarrar-
en fitxaketa gauzatzea, ordea,
ezinezkoa gertatu zaio Realari,
eta horregatik ekin dio Acheam-
pongen fitxaketari. Salva Iriarte
eta Miguel Etxarrik jokalaria hau
zuzenean ikusteko aukera izan
zuten duela gutxi. Joan den as-
tean, erdilariaren fitxaketa ia
gauzatuta zegoela esan zuen
tekniko beasaindarrak, eta aste
honetan dena lotzeko aukerak

zeudela. Azkenean, horrela ger-
tatuko da, eta Realak horrela da-
torren denboraldirako bi atzerri-
tar baditu dagoeneko. Kodroren
ordezko aurrelaria lotzea falta da
taldea guztiz osatzeko.

UZTAILEAN
ETORRIKO DA
DONOSTIARA

Joaquim Young
Acheampong
atzo ETBri eginiko adierazpe-
netan Luis Urangarekin hitz egin
duela baieztatu zuen. «Gaur ber-
tan —atzo— egon naiz berare-
kin. Oraindik gauza batzuk kon-

pondu behar ditugu, baina esan
daiteke Real izango dela nire
hurrengo taldea. Uztailaren 10
edo 15ean joango naiz Donos-
tiara».


Ganakoak Realari buruz ezer
askorik ez omen daki. «Ezin dut
askorik esan. Badakit klub ona
dela, eta bertan emango dudana
denboran gustura egotea espero
dut». Erdilari defentsiboa naiz. Ba-
dakit talde berri batera ailegatzea
zaila dela, baina ondo egitea es-
pero dut».

Europako futbol sistema arriskuan

JON OLASKOAGA / DONOSTIA

Europako futbol sistema goi-
tik behera aldatu daiteke, Euro-
pako Batasunako Justizia Auzi-
tegiak Jean-Marc Bosman joka-
lariaren aldeko epaia ematen
badu. Bosmanek UEFA auzipe-
ratu zuen, erakunde honen arau-
diak EBko legediaren aurka
doazela argudiatuz. Luxenbur-
geko Auzitegiak irailaren 12an
UEFAren kontrako epaia ematen
badu, taldeek formazioagatik ja-
sotzen duten dirua eta atzerriar-
ren kopuruan ezarritako mugak
desager daitezke.

Bost urte egin ditu Bosman
belgiarrak UEFAren botere poli-
tiko eta ekonomikoaren aurka
borrokan. Afera 1990ean hasi
zen. Bosmanek Liege taldea utzi
nahi zuen, Frantziako Dunker-
quen aritzeko. Liegek Bosmanen
formazioarengatik diru kopuru
handia eskatu zuen eta Dunker-
quek bertan behera utzi zuen
operazioa. Jokalariak formazio
klausula Europako langileen le-
gediaren aurka zihoala salatu



UEFAren sistema kolokan jarri du Bosmanek.

ARTXIBOA

zuen eta epaitegiatar jo zuen.

Berehala Belgikako taldeek
salaketa kentzea eskatu zioten,
baina Bosmanek aurrera egin
zuen. Ondorioz, Belgikako tal-
deek boikota egin zioten eta jo-
katzeko aukerarik gabe gelditu
zen Liegeko jokalaria ohia. Bos-
manek 25 urte zituen eta atzerrira
joan behar izan zuen (Reunion

irlara) futboleko aritzeko. Gaur
egun Belgikako 4. mailako talde
batean jokatzeko du.

EB: «ESKLABUEN
MERKATARITZA
BERRIA»

Jean-Marc
Bosmanek
presio han-
diak jasan ditu urte hauetan. Bere
salaketak kentzeagatik dirutza
handiak jasotzeko eskaintzak

izan ditu. Horregatik «honaino
iristea garaipen handi bat» izan
dela adierazi zuen Luxenburge-
ko Auzitegiak. Espainia, Fran-
tzia, Danimarka eta Portugaleko
futbolariaren sindikatuak apoia-
tzen dituzte Bosmanen errebin-
dikazioak. Halaber, Europar
Batzordea eta Legebiltzarra jo-
kalariaren alde agertu dira. Eu-
ropako Legebiltzarren ustez fi-
txaketen mekanismoa «eskla-
buen merkataritza berria» da.

Gerhard Aigner, UEFAko
idazkari orokorrak esan zuen
«Bosmanek irabazten badu kol-
pe handia izango da futbolaren-
tzat». Orain arteko sistema ber-
tan behera geratzen bada, talde
ahulenen diru sarrerak arriskuan
egon daitezkeela salatu dute fut-
bol federazioek. Azken finean,
jokalariaren salmentetatik aterata-
ko diruaz bizi dira talde asko.
Europako Batzordearen ustez fi-
txaketak «ez dira beharrezkoak
txapelketa bat antolatzeko». Di-
ruea beste era batera lortu behar
dela dio Batzordeak: «sarrera,
publizitatea, telebista...».

TXIRRINDULARITZA

Le Groupementek
Akirekin bat
egingo du
Tourrerako

DONOSTIA

Le Groupement txirrin-
dularitza taldeak ez ditu
lortu denboraldi hasieran
espero zituen garaipenak.
Denboraldia txarra izan da
taldearentzat eta urteko
lehia garrantzitsuenari au-
rre egiteko, Tourrari eki-
teko alegia, talde ahula
dauka. Horren ondorioz,
Aki taldearekin harreman-
etan jarri dira Le Grou-
pementeko ordezkariak
taldea indartzeko.

Le Groupementek txi-
rrindulari garrantzitsuak
fitxatu ditu aurtengo: Le-
blanc, Lino, Pensec eta
Van Poppel besteak beste.
Baina txirrin-dulari hauek
ez dabilta ondo. Leblan-
cek ziatika arazoak dauzka
eta bere kimen guztia ja-
rriko du Tourrean izateko.
Pensecek besoa apurtuta
dauka eta ez du Tourra ko-
rrituko. Pascal Lino auto
batek bota zuen; zorionez
ez dirudi gaizki dagoenik.

BODY-BOARD

Profesional
famatuenak
bilduko dira
Angelun

L.F. / ANGELU

Ezohizko lehiaketa
abiaturaren joan den astear-
tean Angeluko hondartze-
tan, lehen aldikotz egiten
den Euro Morey Boogie
Cup lehiaketa Iparraldean
iragaten baita. Bi egunez,
uhaineke jostatu dira
kautxuzko taulak erabiliz
ahalik eta *cutback*, *tube*,
roller, *zaz zap* eta *belly*
spin gehien egiteko epai-
mahaiaren aitzinean. Hots,
5.000 dolarreko sariaz
gain, lau *bodyboarder* ho-
berenek parada izanen du-
te trebetasuna neurtzeko.

Munduko 64 *bodyboarder*
hoberenak elkartuko
dira gaurtik Angelun, eta
besteak beste azpimarra
daiteke lehiaketan izanen
direla Mike Stewart (9 al-
diz munduko txapelduna),
Ben Severson (Munduko
Txapelketako finalista),
Keith Sasaki (5 aldiz Es-
tatu Batuetako txapeldu-
na), Brian Wise eta Guil-
herme Tamega.